

Nunalerineq pillugu Inatsisartut inatsisaata allanngortinneqarneranik Inatsisartut inatsisaat (Nunalerineq pillugu Siunnersuisoqatigiinni ilaasortat allanngortinneqarnerat)

§ 1

Nunalerineq pillugu Inatsisartut inatsisaanni nr. 5-imi, 2. maj 1996-imeersumi, Inatsisartut inatsisaanni nr. 15-imi, 19. november 2007-imeersumi aamma Inatsisartut inatsisaanni nr. 11-mi, 5. december 2008-meersumi allanngortinneqartumi imaattumik allannguuteqartitsisoqarpoq:

1. § 14 a, imm. 1 ima oqaasertaqartinneqassaaq:

”§ 14 a. Naalakkersuisut Nunalerineq pillugu Siunnersuisoqatigiinnik pilersitsissapput ukuninnga ilaasortalimmik:

- 1) Siulittaasoq Naalakkersuisunit toqqagaq.
- 2) Ilaasortaq ataaseq Pinngortitaleriffimmit inassuteqaat tunngavigalugu Naalakkersuisunit toqqagaq.
- 3) Ilaasortat marluk Savaatillit Peqatigiit Suleqatigiissut toqqagaat.
- 4) Ilaasortat marluk Kommune Kujalliup toqqagai.
- 5) Nunalerinermut Siunnersorteqarfimmit sulisunit sinniisoq ataaseq.
- 6) Ilaasortaq ataaseq Neqi A/S-imit toqqagaq.
- 7) Ilaasortaq ataaseq Namminersorlutik Oqartussat Uumasut Nakorsaqaarnikkut Immikkoortortaqarfiannit toqqagaq.”

2. § 14 c, imm. 2 atorunnaarsinneqassaaq.

3. Inatsisartut inatsisaanni tamani ”Landsstyret” imatut allanngortinneqassaaq: ”Naalakkersuisut”.

4. Inatsisartut inatsisaanni tamani ”Landsstyrets” imatut allanngortinneqassaaq: ”Naalakkersuisut”.

5. Inatsisartut inatsisaanni tamani ”Namminersornerullutik Oqartussat” imatut allanngortinneqassapput: ”Namminersorlutik Oqartussat”.

§ 2

Inatsisartut inatsisaat 1. januar 2012 atuutilerpoq.

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut